

# trinitas

*Baie welkom by Trinitas!*

*Ons sien onself as 'n verlose familie van diensknegte wat gestuur is.  
Ontdek saam met ons wat dit vir jou en Vanderbijlpark beteken!*

## 1 Verlos

SONDAG 17 MEI 2015

OGGEND 09:00

**Dit gaan toe al die tyd nie oor my (jou) nie!**

**Welkom aan ds. Maarten van Helden wat vanoggend die doop lei.**

**Teks:** Genesis 21:33

**Oorsig:**

Ons kan dikwels tog so kortsigtig wees en so beperk oor dinge dink. Dan gaan alles net oor dit wat hier gebeur, en vandag en nou! Dan gaan dit ook maklik net oor onself en ons gerief. As ons egter deel word van God se plan met hierdie skepping en wêreld en met sy kerk, dan word ons deel van 'n groter plan. Dan behoort dit nie meer so baie oor onself te gaan nie. Dan gaan dit eerder oor God en sy koninkryk!

AAND 18:00

**Medewerkers in die Familie!?**

**Teks:** Verskeie

**Oorsig:**

Ons lees op baie plekke in die Nuwe Testament van 'medewerkers'. Wie was hierdie mense en wat presies het hulle gedoen in die vroeë kerk? Ook in die Bybel kry ons wat ons kan noem 'mekaar-tekste' soos bv. 'bid vir mekaar' en 'leer en onderrig mekaar'. Met wie word hier gepraat? Hoe en waar kan hierdie dinge in ons Trinitas-familie gebeur? Is jy dalk een?!

Preke beskikbaar in klank en teks by: [www.gktrinitas.co.za](http://www.gktrinitas.co.za)

## PROGRAM VIR DIE WEEK

### Dinsdag 19 Mei

Aandbybelstudie 19:00


### Woensdag 20 Mei

Oggendbybelstudie 09:00

### Vrydag 22 Mei

Manne-oggend 05:45

### Gedagte



## 2 Familie

### LIEF EN LEED

Dink in jou gebede aan hierdie lidmate:

- Carin Prinsloo (0828485846) was in die hospitaal met hartprobleme.
- Katie Nagel (0785532868) het gister 'n skoueroperasie in Pretoria-Oos hospitaal ondergaan.
- Harry Broersma (jnr) (0169823702) het na 'n rugbybesering 'n operasie aan sy been in Emf. Medi-Clinic ondergaan.
- Lenie, die suster van Henning Vorster (0832640387) en Sarie Duvenage (0799619767) is die afgelope Woensdagaand oorlede aan 'n hartaanval.
- Japie Muller (0834126422) gaan Woensdag vir 'n operasie aan sy knie, in Emf. Medi-Clinic.
- Hartlik geluk aan Nick en Dina van Jaarsveld (0730024987) wat die 22e Mei 50 jaar getroud is.
- Hartlik geluk aan Pieter en Maureen van Helden (0823922093) met Daniël se doop vanoggend. Geluk ook aan die grootouers en oumagrootjies.

**Laat weet asb. die kerkkantoor van siektes, swarkry, asook van vreugdes.**

### VERJAARSDAE: HARTLIK GELUK!

17/05	May Bezuidenhout	☎0825842703
17/05	Maurien du Toit	☎0824472039
18/05	Emil Janeke	☎0798725286
18/08	Cecilia Klopper	☎0828720039
18/05	Anri Prinsloo	☎0842525597

18/05	Arno van Zyl	☎0845811210
19/05	Eddie Hohls	☎0824660851
19/05	Cherese Roelofse	☎0823804542
19/05	Nicolette Voges	☎0824153388
21/05	Jakkie Coetzee	☎0829243284
22/05	Bram van der Kevie	☎0836280693
23/05	Corné Grobler	☎0837784217
23/05	Dirk Viljoen	☎0834420666

### SPESIALE VERJAARSDAE

Geen.

### HUWELIKSHERDENKINGS

22 Mei. Nick en Dina van Jaarsveld, 50 jaar.

### ATTESTATE/BEWYSE

Word afgekondig.

### BYBELSTUDIE

Woensdagoggende om 09:00 by die kerk.  
Dinsdagaande om 19:00 (Carterstraat 16).

### NUWE LIDMATE

Die diakonie is aan die stuur van die Nuwe Lidmate-diensgroep. By die Welkomhoekie in die saal is 'n boek waarin jy al jou besonderhede kan aanteken.

### HUISBESOEKVORMS

Indien jy graag huisbesoek wil ontvang van 'n ouderling, diaken of predikant, **voltooi die huisbesoekversoekbriefie wat by die deure beskikbaar is** en plaas dit in die kerkkantoor se rakkie of Die **Helper** se kassie by die kerk se hoofingang.

## 3 Dienskneg

### ORRELBEGELEIDING

09:00 – Bertus Schrap

### OUERLINGE AAN DIENS

17/05 – Martin de Klerk

### DIAKENS AAN DIENS

17/05 – Tina J v Vuuren

### KOSTER AAN DIENS

17/05 – Theuns

21/05 – Elsa

### DATABORDDIENS

Behartig deur die Tegnieese span.

### KOLLEKTES

#### Onder die erediens vir die Diakonale Kas

17/05 – Sustentasië

24/05 – Transoranje instituut

### OPNAMES VAN EREDIENSTE OP CD

Indien jy 'n opname van 'n preek wil hê, kan 'n versoek aan die kerkkantoor of Hennie Smit, 0711063978, gerig word.

### ONTVANG DIE PREEKTEKS PER E-POS

Stuur op Maandae 'n blanko e-pos na **preek@gktrinitas.co.za**. (Jy moet elke keer wat jy die preek wil hê 'n e-pos stuur). Die stelsel sal self binne 60 sekondes die preekteks vir jou aanstuur. Dis ten volle outomaties en werk 24/7. Kontak Hans van Wyk, 0828111990, vir inligting (*Preektekste sal Sondag na 12:00 op ons webblad beskikbaar wees*).

## GEHOORAPPARATE

Gehoorapparate kan Sondagoggende agter in die kerk onder die trap gekry word.

## TEESKINK

Vanoggend skink Ita Schrap se groepie. Sondag 24 Mei skink Anne-Marie Snyman se groepie.

**Anette van der Walt, 0845334548, is die sameroeper van hierdie diensgroep.**

## KLEUTERKERK

Kleuterkerk vind Sondagoggende saam met katkisasie plaas in die eerste klaskamer. Alle kleuters van 2-6 jaar is welkom. Mamas van tweejariges kan dit saam bywoon. Kontak Louise Venter, 0833022716, indien jy geroepe voel om deel te vorm van die Kleuterkerkspan.

## DR. FRANS MINNIE

Dr. Frans Minnie (pastorale berader) is op **Maandae** beskikbaar by die kerk **slegs vir lidmate van Gereformeerde gemeentes**. Kontak die Kerkkantoor vir afsprake. Donasies kan inbetaal word by: FNB Tjekrekening No: 621 843 512 04, Takkode: 250-945.

## KRUIDENIERSWARE BENODIG

Indien jy 'n bydrae wil maak, kan jy volgens die onderstaande lys aankoop: Suiker, pasta, bullybeef, koffie, tee, soja maalvleis, grondboontjebotter, Pilchards vis, konfynt, melkpoeier, sout, bakedbeans, tamatie- en uiesmoor, blikkies gemengde groente, pakkies sop, rys, koekie Sunlight seep, toiletseep, toiletpapier, sjampoe,

tandepasta, tandeborsels en waslappe. **(Plaas alle skenkings in die groot houer in die saal naby die kombuis – Ons waardeer alle hulp opreg. Diakonie.)**

## BYBELS EN PSALMBOEKE

Maak gerus tydens die erediens gebruik van die Bybels en Psalmboeke op die tafel in die voorportaal. Lidmate wat wil, kan nog Bybels en groen Psalmboeke skenk en op die tafel plaas vir erediensgebruik.



Die diakonie vra dat die gemeente die vrymoedigheid sal hê om gebruik te maak van **Die Helper**. Dit is 'n *diens* wat ons aan die gemeente bied. Vir hulp van enige aard, kontak asb. die diakonie of los 'n briefie in die houtkis in die voorportaal. Kontak André Smith, 0844627830 of Lozanne Roos, 0823353539.

## 4 Gestuur

### ONDERSTEUNING VIR MADAGASKAR

"Naina en Fafa is sendelinge in Madagaskar wat ons ondersteun. Hulle het pas begin met hulle Bybelskool! Bid asb. vir hulle volharding en ander behoeftes met so 'n nuwe projek." Op *Facebook* "Naina, Fafa and Mirado". Indien jy 'n bydrae wil lewer: Aksie Uitreik, ABSA, rek no. 9055971748.

## PIKININI BREIPROJEK

Donasies vir die projek kan in die groot houer in die saal geplaas word (waarin kosskenkings aan die diakonie ook geplaas word). Kontak Jackie Kleynjan, 0833814020.



**Kontakpersoon:**  
Hardus Visser,  
0828215642.

## HERWINNING

Die Here stuur ons om sy Skepping op te pas omdat dit Hom ook vir die wêreld wys. Kom laai gerus jou sak herwinbare materiaal af, daar is 'n werker wat dit sal sorteer, maar daar is ook instruksies wat sê wat presies in watter houer gegooi kan word indien jy self jou herwinning wil sorteer. Moet asb. nie enige inkopiesakke bring nie, dit word nie opgelaaie nie en lê dan rond. (Indien jy te veel inkopiesakke het wat by die huis rondlê, kan dit aan die diakonie of aan die kospakke-diensgroep geskenk word.) Sakke met herwinningsmateriaal kan Maandae tot Vrydae tydens kantoorure of Sondae voor en na die eredienste afgelaaie word by die herwinningsarea agter die katkisasie-lokale. Kontak Maureen van Helden, 0823922093.



## BELANGRIKE DATUMS VIR MEI

- 28 Mei Eiendomspanverg. 10:00
- 31 Mei Nagmaal en Nagmaalete

## GKSA NUUS

### OP DIE KENNISGEWINGBORD

- FEBA Radio
- Geopende Deure; [opendoors.org.za](http://opendoors.org.za)
- Kruispad nuus
- Voorlegging rakende godsdienstige openbare vakansiedae in RSA
- Kommunikasie van die Deputate Jeugsorg
- Poste beskikbaar by Aros

### KRUISPAD

Kruispad is die jeugtydskrif van die GKSA ([www.kruispad.net](http://www.kruispad.net)). Dit bied toerusting aan jong, groeiende gelowiges om ingeligte keuses te maak wat tot geloofsgroei kan lei. Koste: R116 (gedruk)/R85 (elektronies). Stuur 'n e-pos aan [kantoor@kruispad.net](mailto:kantoor@kruispad.net) indien jy wil inteken of 'n artikel wil skryf.

### FAMILIE-PROJEK

Ons is baie bly oor die groot reaksie op die voorgestelde nuwe "Familie-projek"! Ons beplan gemaklike sitruimte, skadu teen die son en 'n speelarea vir die kinders.

Die oorhoofse doel is om vir die nuwe oplewing in die gemeente sou gou as moontlik 'n gemaklike omgewing te gee

om verder wortel te skiet. Dit gaan oor die nodigste fasiliteite wat dit vir almal lekkerder maak om langer te kuier en ons verhoudinge met mekaar te bevorder. Ook om besoekers gasvry te ontvang en maklik te laat inskakel. Die projek val daarom saam met ons kwartaaltema "Familie".

Ons wil vra dat as lidmate enige voorstelle het hoe ons die projek kan verbeter, hulle met Hardus Visser of enige ouderling sal gesels. Daar is reeds die basiese projekbuitelyne wat die nodigste wil regkry op die mees bekostigbare manier wat die kerkraad kon bedink. Daar is allerhande uitdagings om te oorweeg soos stormwaterafvoer, behoud van veeldoeligheid van die grasperk, toegang tot katkisasielokale, nut vir alle seisoene en dan ook bekostigbaarheid. Natuurlik is daar altyd ruimte vir verbetering en ons hoor graag almal se insette. As daar iets is waaroor iemand dalk bekommerd mag wees, moedig ons hulle aan om navraag daarvoor te doen of dit onder ons aandag te bring. Ook om jou hulp en kundigheid aan te bied, as jy dink jy kan help.

Ons wil graag as familie hierdie projek saam aanpak tot bevordering van ons roeping en Jesus eer in die manier waarop ons dit doen. Kom ons deel ons gedagtes en gawes vir hierdie verdienstelike projek!

Familie-groete: Griffel

### **EENSLAAPKAMER-WOONSTEL TE HUUR**

Eenslaapkamer-woonstel beskikbaar.  
Theo Wendtstraat 14, SE7. Kontak Danie

Potgieter, 0169331438, 0837357144 of 0729363360.

### **ADVERTENSIEBLAD**

Lidmate wat gratis in die jaarlikse Advertensieblad wil adverteer, kan hul advertensies na die kerkkantoor e-pos.

### **SARAH**

Sarah, die skoonmaker by die kerk benodig 'n ekstra werkie op Maandae, asook smiddae na 13:00. Indien jy kan help, kontak asb. die kerkkantoor.

### **LEWENDE ONTMOETING!**

"Liturgie" is die woord wat in kerke gebruik word vir die plan waarvolgens 'n erediens verloop. Die woord beteken letterlik "diens".

Die GKSA sien 'n erediens as 'n ontmoeting en gesprek tussen God en sy mense. Daar is oomblikke waar God met die mense praat soos bv. in die seën, Skriflesing en preek, en dan is daar oomblikke waar die mense met God praat soos bv. deur die geloofsbelydenis, sang en gebed. Dit is daarom bedoel om soos 'n dialoog te wees.

'n Liturgie het verskillende hoof-oomblikke: Ontmoeting, Verootmoediging en Versoening, Woord en die Antwoord. Tradisioneel is hierdie oomblikke amper nooit afgewissel nie en is 'n baie eenvormige patroon gebruik. Soveelso dat mense gedink het daar is net hierdie een regte manier. Party mense het selfs meer rustigheid en vrede gekry in die bekendheid van die patroon as in God self.

Die Sinode van die GKSA het baie navorsing hieroor gedoen en reeds in 1997 beginsels gegee wat eintlik baie nuwe ruimte en vryheid gee vir hoe 'n liturgie dinamies, lewendig en opbouend kan wees. 'n Paar beginsels is:

- Dit behoort dinamies en lewendig te wees want ons ontmoet 'n lewende God deur sy Woord en Gees.
- Goeie orde en harmonie is baie belangrik, maar daar is nie 'n vaste *volgorde* nie.
- Verskillende tekste uit die Bybel en uittreksels uit belydenisskrifte kan gebruik word vir die verskillende dele. Eentonigheid wat tot dooie rituele lei moet vermy word.
- Die hele liturgie dra by tot ons ontmoeting met God, nie net die preek nie, en daarom behoort dit as geheel gesien en opgestel te word rondom dieselfde tema/fokus.

Die beste is natuurlik as jy nie eers bewus is van die "geraamte" wat 'n erediens regop hou nie. Dat jy eenvoudig meegevoer is om werklik God deur sy Woord en Gees kragtig te ontmoet en opgebou deur die evangelie kan uitgaan om Hom as sy dissipels te volg in Vanderbijlpark. Ook dat vreemdelinge en besoekers kan verstaan wat gebeur en kan sê: "Waarlik, God is hier by julle!"  
Griffel

## KONTAK ONS

[www.gktrinitas.co.za](http://www.gktrinitas.co.za)



GKTrinitas

### Kerkkantoor:

Elsabé Muller

☎ 0169825017 / 0724874258

kantoor@gktrinitas.co.za

Faks no.: 086 219 5728

### Kerkkantoortye:

Maandag tot Donderdag

Tye: 08:00 tot 13:00

Vrydae: 08:00 tot 12:00 (Nuusbrief)

### Skriba:

Gerrit van Wyk 0823328550

### Kosters:

Theuns Odendaal 0832561387

Elsa Prinsloo 0794778699

### Orrelis:

Nannes van der Walt 0833041841

### Bankbesonderhede van kerk:

Rek. naam: Geref. Kerk Vanderbijlpark  
Trinitas

ABSA Tjekrekening 530340449

### Predikant:

Griffel van Wyk

☎ 0169324615 / 0823543726

**Adres:** Ogilviestraat 6, SE2

Vanderbijlpark

**e-pos:** griffel@gktrinitas.co.za

## Medewerkers in Trinitas!

### Medewerkers in Trinitas

In die Nuwe Testament word op verskeie plekke verwys na manlike en vroulike medewerkers (hierna MW) wat die apostels bygestaan het in die vestiging en versorging van die vroeë Christelike Kerk (Rom. 16:3,9,12-15,21; 1 Kor. 3:9; 2 Kor. 1:24; Filip. 2:25; 4:3; Filem. 1:24). Hierby is ook baie tekste wat *alle* gelowiges oproep om *mekaar* te versorg: 1 Kor. 12:25 "sorg vir mekaar"; Gal. 5:13 "dien mekaar"; Gal. 6:1 "dra mekaar se laste"; 1 Tess. 5:11 "praat mekaar moed in en versterk mekaar"; Heb. 3:13 "spoor mekaar aan"; Kol. 3:16 "leer en onderrig mekaar". Hierdie MW was Christene wat kragtens die amp van gelowige, hulle gawes gebruik het om saam met en onder toesig van die apostels dienswerk in gemeentes te verrig tot opbou daarvan (Ef. 4). In die lig van die Nuwe Testamentiese getuigenis van die gebruik van MW om ouderlinge en apostels in hul dienswerk in die vroeë Christelike Kerk by te staan, en die deurlopende gebruik van genadegawes wat Jesus in Trinitas gegee het, het die Kerkraad van Trinitas die inkorporering van MW binne die bedieningsmodel tot opbou van hierdie gemeente goedgekeur.

### Die taakomsrywing van ons MW

- MW neem nie die taak en rol van ouderlinge of diakens oor nie maar werk saam met en onder toesig van die ouderlinge met die spesifieke gerigtheid op onderlinge geestelike versorging van lidmate in die gemeente;
- MW kan belydende manne of vroue wees wat die gawes, gewilligheid en tyd het om ouderlinge in hul dienswerk van huisbesoek, siekebesoek en die vestiging van bybelstudie en kleingroepe onder medegelowiges in die gemeente by te staan;
- MW word nie formeel in 'n spesifieke amp bevestig soos ouderlinge of diakens nie, woon nie Kerkraadsvergaderings by nie en het ook nie deel in die regeer-amp van ouderlinge nie;
- MW sal van die lidmate wat hy / sy besoek, terugvoer gee aan die ouderling van die wyk / blok waarin daar diens verrig word;
- Van MW sal slegs verwag word om na gelang van sy / haar kapasiteit lidmate te besoek (dit beteken in die praktyk dat daar sommige medewerkers mag wees met so min as een besoekpunt, terwyl ander dalk tien mag hê).

### Identifisering en inkorporering van MW

Ons weet hierdie mag na 'n nuwe of vreemde gedagte klink en dat daar baie vrae mag wees. Ons wil graag geleentheid gee vir vrae en bespreking hiervan na die oggend erediens van 24 Mei. Dink en bid solank hieroor en vir die besprekingsgeleentheid.

Enige belydende lidmaat wat intussen oorweeg om as MW in Trinitas diensbaar te wees, word versoek om met Alan Brotherton of die kerkkantoor te skakel. Jy sal dan verder inligting ontvang oor 'n werkswinkel geleentheid gerig op die funksionering van medewerkers in ons gemeente. Dit sal jou help om die Here se roeping vir jou te toets en 'n finale besluit te kan maak.